

DEO OPTIMO MAXIMO

79

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis sexto
mensis Decembris, anno Domini M. DCC. LXX.*

M. CLAUDIO LAFISSE, Doctore Medico, Præside.

An ex vario variarum arteriarum motu, variè dignosci possint hominum Διαθέσεις.

I.



ETERUM inventa perquirat Medicus, tum ad grandiora properet, in nova deregenda incumbat assiduus; mox tandem erroris & ignorantiae franger repagula, mox pœoniâ caput redimitum lauro extollet, & arte medendi potentem invicem & pauper & dives & infimi & magnates æmuli celebrabunt. Hanc (a) Medicinæ perficiendæ viam

calcavit jam pridem Medicinæ Pater Hippocrates. Noverat ille quàm variè in struendo & animando corpore luserit Omnipotens; noverat quàm arduum sit multiplicem ipsius sapientiam mente totam simul comprehendere: hinc methodum constituit sanè tutissimam. Sed utroque hoc vitio laborat humanum ingenium & ut sequi amet antecedentium gregem, dulcisque otii capum illecebris, horum effatis assentiri, inventisque con-
quiescere malit, quàm vigiliis multis improboque labore nova perscrutari; & ut, si quis nova detexerit, ab eo sibi leges imponi permittat, admiratione stupeat, aut præ gaudio manu jam quasi deprehensas antea cognitiones elabi sinat, oblivionis pulvere conspergendas. Antè Harveium,

(a) ἡντρυχῆς ἀρχὴ καὶ ὁδὸς εὐρημένη. . . καὶ τὰ εὐρημένα ἐκδίδας, ἐκ τῶν τεσσάρων ὁρμαίνοντες
τὰ λοιπὰ εὐρεῖσθαι, ἢν τις ἱκανὸς τι ὦν, ζητήσῃ. *De vet. med. III. ed. vind. lind.*

totum orbem medicum occupabant Scholæ Galenicæ & Arabicæ. Harveius exurgit, & sanguinis circulationem, abditum plerisque antea mysterium & tenebris eruit, ejus divitias explicat. Hoc veluti signo dato cuncti subito excitati sunt; plurimarum rerum scientiæ graves, omnem hunc doctrinæ apparatus exuere, ad insolitum conversi sunt spectaculum, ac læti conspexere totam arteriarum aciem, Phalangem veluti Macedonicam, æquo simul passu, impellente corde, progredientem. Huc revocatæ omnes œconomiae animalis leges. Nec ideo tam n falsa omnia dixere veteres, nec omnia omnino detexit Harveius. Hunc latuerat aliud esse arteriarum extremum veluti agmen nunc tardiori movens se gressu, nunc etiam celeriori. Experimentiâ tamen comprobatur ultimas arteriarum divisiones in eo à majoribus arteriis differre, quod aut rariis aut frequentius plerumque micent; ita ut harum arteriolarum diastoles non semper synchrona sit cum diastole majorum arteriarum. Sit in exemplum arteriola quæ ex cubitali recto tramite procedens super carpum desinit. Hanc diutius ac sedulo interroga in eo quod interest spatio inter os lunare, os cuneiforme & os aduncum. Hæc, dum arteria radialis septuagenis circiter vicibus uno minuto digitum quatit, quinquagenis tantum, ut plurimum, aut sexagenis, interdum etiam octogenis, nonagenis, plus, minus exilit; gracilem nunc formam, nunc crassam induens; nunc altè eminens, nunc intus se propripiens; nunc ab incepto gressu non desinens, nunc subito stans & immota manens per aliquod temporis intervallum, novo deinde impetu progressura.

I I.

AN vera sit experientia facili sibi quisque probare poterit argumento, modò exquisito polleant tactu digiti, & quâ solâ natura deprehenditur, solertem, longanimum, attentam & quasi suspensam mentem præbeat. An vera esse possit, id è foro ratiocinationis est, quæ primâ sæpè fronte veritati non omninò consentit, imò repugnare interdum videtur. Invidius sanè non solum persuaderent, sed & intimè convincerent repetitæ de eò pulsu, quales de critico, de viscerum proprio tradidère recentiores Medici illustrissimi, observationes, prædicta eventui probè consonantia. Sed *ars longa*, ætas nimium juvenilis. Suum est aphoristicè pronuntiandi, suum est pertentando opinandi tempus. Undè igitur varii hujus variarum arteriarum motus causa repetenda? Num à diversis sanguinis partibus hanc & illam arteriam subeuntibus? Enimverò si referatur arteria pulmonalis sola post mortem sanguine foeta, eo occurrent ordine aliæ alias cingentes contentorum liquidorum columnæ. Primo ambitu adest tenue quoddam gluten pelliculæ adinstar, quod vivifico lambens attacco vasorum parietes nutritionem ubique impertitur, Sub eo involvitur crassior columna coloris

albicantis, fibrosa; in medio denique includitur columna purpurea. Si varii in liquores varia subeant vasa, varius erit liquorum pro sua densitate motus; sic tractantem digitum pulsatio diversimodè ludificabit; diversitatem illam pulsationis hinc oriri forsàn conjeceris, sed immeritò, pluribus de causis. Rem certius evincet perpenſa totius sanguinis pro sua densitate velocitas. Nam attendenti cuique patebit extremas arteriolas, eas præsertim quæ obtuso maximè angulo ex majoribus arteriis derivatæ rectum iter peragunt; quò citior & limpidior fluet sanguis, eò debere frequentioribus, quò tardior & spissior, eò rarioribus micare pulsationibus quàm majores arterias; motum sanguinis per extremas arteriolas ad cutis superficiem nunc accelerante vi projectivâ, nunc ob vasorum angustias retardante fluidorum spissitate.

I I I.

NUNC perpendendum venit quâ ratione ex varia illâ variarum arteriarum pulsatione, variæ dignosci hominum διαθεσις, Διαθεσις est propria quædam singulis, tum animi, tum corporis dispositio. Quo uno verbo & temperamentum & indoles comprehenditur. De temperamento facile quidem tibi persuadeas; nam à solidorum vi, elaterio, impulsu pendet sanguinis velocitas, à fluidorum principiis, eorum densitas: inde desumuntur variæ temperamentorum differentiæ; eæ igitur sine ullo dubio ex variâ variarum arteriarum pulsatione dignosci possunt, cum ex variâ illâ pulsatione dignosci possit sanguinis velocitas, & fluidorum densitas. De indole, subtilior est quæstio, nec minus gravis, nec minus utilis, cum tanta sit ejus vis in œconomiam animale, tantum inter eam & temperamentum commercium. Quænam verò sit ea vis, quodnam illud commercium, liceat de eâ re interrogare Medicorum principem, cui ut fidem securius habeas, paucis accipe primas hujus Physiologiæ ac totius Medicinæ lineas. Mirum quantum Medicinæ profuerit suffultum experientiâ judicium. Eæ datæ sunt Medico pennæ quibus ad astra sublimis evedus est Hippocrates. Hic naturam observando, interrogando, stimulando incredibilem sibi pepererat interioris hominis notitiam: hic, vel tacente ægroto ea quorum ipse conscius erat æger, & infidus sæpissime interpretes (a), detegbat, præterita in memoriam revocabat, futura vaticinabatur, adeò securus,

(a) Απειρώνται οἱ τὰ ἀφανέα νοσούντες ἡλλομένων ἐπὶ τὴν ἀιμαρτητον σαφὴν ἀπαγγελειν περὶ τῶν νοσημάτων τοῖσι νῖν ἀκούσαι, προσπλέον τι ἢ ἄλλο τῷ θεράπειυσιν, διορίζοντες μάλλον ἢ εἰδότες ραπειυνσι. . . ἢ μὲν τέχνη αἰσθανομένη. . . ἀπαγγίλλουσιν. . . ὅτε ἐν ἐσθ' ἐκ τῶν ἀπαγ- de arte XIX.

ut (b) minimè incertis nixam conjecturis, sed certis & inconcussis stantem fundamentis pronuntiaret Medicinæ artem, dum medicus is esset quem natura ministrum requirit, dum à veris artis principiis, quod quidem (c) haud omnino frequens est, non recesserit. Ardua sunt hæc, sunt hæc præstanti Philosopho simul ac Medico digna principia. Abeant cum suis opinionibus, conjecturis, erroribus, quicumque vana vanæ cujusdam Physiologiæ fundamenta posuere, incertasque ac falsas, ingeniosâ potius ratiocinatione quàm sedulâ observatione freti, naturæ causas assignavere. Non sic Hippocrates: ab ipso discite. Vides omnia in orbe universo *huc illuc discurrunt, alia seorsum, alia deorsum, partes ad partes accedere, à se invicem discedere, sic perpetuâ vice alia corrumpi, alia generari*: crederes hæc omnia aut cæco impelli fato (sed quid fatum nisi (d) *vanum ac sine sensu nomen*, obcœcata & ignaræ mentis refugium?) aut ingenitâ pollere industriâ, sapientiâ, sagacitate; idem diceret de fictis circumforeanorum personis rusticus spectator. At minime quidem hæc: corporum animalium, brutorum scilicet, vita & is ipse, ut aiunt, instinctus, seu spontaneus, seu ab objectis externis ope sensuum excitatus, nec materiæ fato abreptæ, nec proprio singulis insito animo debetur, sed est veluti intelligentiæ vivificantis, ferè dicam, mortua ac per se passiva expressio, quæres vitæ ac sanitati necessarias, quamvis ipsa non appetant, tamen multis videntur reipsâ appetere; noxias detestari. Deus, Deus ipse suum singulis finem imposuit, singula ad suos fines suavi quâdam violentiâ impellit. *Scire quidem (e) videntur, inquit Hippocrates, quæ faciunt, at nesciunt; quæ vident non cognoscunt*; Naturâ, cæco, ut inter omnes convenit, feruntur impetu; quæ volunt, quæ nolunt, reipsâ nec volunt nec nolunt; nullâ etenim gaudent libertate, *omnia ipsis sunt per divinam illam necessitatem, quâ corpora suum finem attingunt & ad majus & ad minus*. Nec aliter fere evenit in corpore humano, licet huic aduncta sit mens rationalis, cujus imperantis occasione, minime vero actione directâ, plurimi excitantur motus. Ea autem divina vis ita obvelatur, ut specie illusi, assiduitate quotidianâ decepti, causis aliis arte inextricabili inter se implexis,

(b) ἐκ ἡζίν ἐγωγε κενὴς αὐτέην (ἰν-
τριπνὴν τέχνην) ὑποθέσεις δίδωται, ὥσπερ τα-
ἀφανέα τὲ καὶ ἀπερούμενα, περὶ ὧν ἀνάγκη,
ἢν τις ἐπ'χειρὶν λέγειν, ὑποθέσει χρῆσθαι.
de vet. med. II. . . εἰσι δὲ θημιουργοί, οἱ
μὲν φλαῦροι, οἱ δὲ πολὺ διαφέροντες. *ibid.*

(c) ἰητροὶ φήμη μὲν, πολλοὶ ἔργῳ δὲ,

παύχῳ βασι. *lex.*

(d) τὸ αὐτόματον ἐδὲν φαίνεται ἐὼν ἐλεγ-
χόμενον. Πᾶν γὰρ τὸ γινόμενον, διὰ τι ἂν
εὐρίσκοιτο ἂν γινόμενον, καὶ ἐν τῷ διὰ τι, τὸ
δὲ αὐτόματον ἢ φαίνεται ὅτι ἐχον ἐδε-
μῆν. . . ἀλλ' ἢ ἔνομα μὲνον. *de arte IX.*

(e) ἃ μὲν πρίσσεσιν, ἐκ εἰδασιν, ἃ δὲ

& aliis in alias, circuli modo principio fineque carentis, gyrantibus, tribuamus interdum, quæ huic soli causæ, forent assignanda. Hac stante Hippocratis sententiâ, fugiunt inani labore efficta systematum phantasmata, redit seculum observationis aureum. Equis enim erò (f) Divinitatis notitiam altius animo infixum habet, quàm naturæ minister Medicus. Habet in Naturâ legem Dei, id est Deum materiæ potenter imperantem & continnò invigilantem. Habet in lege Dei sapientiam, ordinem, constantiam denique, à quâ nunquam recedere videtur, nisi ut clariora præbeat potentiae suæ argumenta. Hanc certam & æquabilem naturæ constantiam naturæ famulatrix sequitur Medicina. Signa de se prodit natura, signa scrutatur, perspicit, arripit Medicina. Inter hæc eminet pulsus; pulsū observat, futura in morbis vaticinatur; cur non intimam etiam sui cuique temperamenti vim ac speciem revelabit? Id vivæ, ut ita dicam, Physiologiæ proprium munus est, id olim præstitit Hippocrates. Ea erat hujus ab observationis deducta theoria.

I V.

UNIVERSAM hominum naturam considera: quot capita, tot corporum variæ constitutiones. Ardet hic, æstuat, totus ignis est. Phlegmaticus ille contra est, ac vix ægre movetur. Plures hunc inter & illum facile distingui possunt gradus, quos animadvertit Hippocrates, ac corrigi & temperari observavit à diætâ, à laboribus, à variis anni temporibus, locorum sitibus. Quod recentiores solidorum elaterio, motui; fibræ tensitati; id veteres calori innato; Hippocrates igni: quod hi solidorum, fibræ laxitati, & si ita loqui fas est, aqueitati: id alii humori nativo; Hippocrates aquæ; mutatis tantum nominibus, re parum discordes, tribuebant. Duo igitur præcipua distinguuntur temperamenta, inter quæ plurimæ intercedunt differentiæ. Eas temperamentorum differentias sentiebat Hippocrates ope illius, quâ se (a) primum ac solum pollere jactabat, corporis αἰσθησις, inde præsentem sanitatem æquâ lance ponderabat, minitantem morbum præ-

πρίσχυσι, δοκέουσιν εἶδέναι, καὶ θ' αὖ μὲν ὀρώ-
σιν καὶ γινώσκουσιν, ἀλλ' ὁμῶς αὐτοῖσι πάν-
τα γίνεται δι' ἀνάγκην θείην, καὶ βυλονται
καὶ μὴ βυλονται, φριβέντων δ' ἔκκλινοντες ὁ δὲ
καὶ τῶνδε κῆσις, συμμιστρομένων τε πρὸς ἀλ-
ληλα, τὴν πεποιημένην μίξιν ἐκαστον ἐκπλη-
ροῖ καὶ ἐπὶ τὸ μέζον καὶ ἐπὶ τὸ μῆλον. διαίτα
I. VI.

(f) καὶ γὰρ μάλιστα ἡ θεῶν εἰδησις ἐν
τόῳ τε ἱπποκράτει κεῖται. de dec. orn. VI.
(a) Τοῖσι μὲν ἄλλοις μέχρι τέλους ἐπι-
χειρηται ζῆτισθῆναι. ἔρηται δὲ ἐπὶ ταῦτα.
ἡμεῖς δὲ ταῦτα ἐξεύρηται, πρὸς τὴν κάμνειν
τὸν ἀνθρώπον ἀπὸ τῆς ὑπερβολῆς, ἐφ' ὅκο-
ιστον αὖν γένηται, προδιαγνώσις. de diætâ
I. III.

videbat. Quid verò obstat quin ea corporis *affectione* nil aliud sit quàm dictarum arteriarum perpenſum velocitatis æquilibrium, ſingularum deindè qualitas ac tactus quidam ſpecificus. Nec per eam ſola tantummodò temperata, ſed, vix credibile, ipſas etiam indoles, tantus vir ! diſcernebat. Indoles hic accipitur pro majori vel minori animi affectuum vehementiâ : at cave ne cum ipſis affectibus, cum variis ipſorum generibus confundas ; nam amore ſuo ſingulæ feruntur, quòcumque mentes feruntur : à pluribus quidem poſſunt interdum diſtrahi, ſed unus ſemper cæteris præſſe ſolet. Alias ignobiliora ac fugacia juvant : hæc ſcilicet inexplendâ voluptatum libidine, illa trifti nummorum aviditate ; hæc crescenti in dies vaſtæ ſcientiæ ſtudio, illa ambitioſa honorum, benevolentiæ, exiſtimationis cupiditate depaſcitur : aliæ, veras ſe eſſe ac genuinas ſupremi numinis effigies bene conſciæ, altiora ac permanſura petunt : ſolas & opimas arbitrantur delicias omnem virtutum copiam ; propoſitique tenaces, perituras alioquin & ſic melius fitas, in ſinum egentium, infirmorum, miſerorum, pecunias, curas, vitam gaudent impendere. Hi ſunt varii mentium amores, à quibus inclinantur, imò interdum mutantur aut ſaltem corriguntur, depravantur indoles, ac varii mores informantur. Hos amores præit, hos ſequitur, hos comitatur cogitatio. Cogitare, amare, ea ſunt propria mentis munera. Ab iis homo, ſua ſi bona noverit, iisque rectè utatur, diviniæ conſors naturæ dignitatem longè brutis præcellentem mutuatur. Eæ autem facultates à corporis facultatibus omninò diſtinguuntur ; imò cum iis nihil commune habent ; ac faciliùs imbellis generoſum columba leonem parturiet, quàm motus vel citiſſimus, tantillam eliciet cogitationem : nec pariter cogitatio per ſe ſola pariet unquam motum vel leviffimum. At quamdiù animus corpori nexu prorsùs ignoto conſociatur, inter alterutrum adcò intimum eſt commercium, ut, ſi vividè afficiatur animus, eodem quaſi iſtu corpus concutiatur, ac viciffim, pro corporis temperaturâ, animus faciliùs diffiçiliùs commoveatur. Diverſa animi pathemata, quæ ſunt variæ amoris & odii formæ, tot & tantas agunt in corpus humanum tragædias, ut totam ſere medicinam circumscribant, ac tutiùs quam omni medicamentorum ſuppelleſtile, pleraſque curaret corporis affectiones medicus ille, qui æſtuantes cupiditatum fluctus arte diviniâ ſciret, ſi fieri poſſit, compeſcere. Longum eſſet & intempeſtivum ſingulos cupiditatum in corpus effectus deſcribere ; utinam mens bene ſana tot à ſe, tot à corpore ſupplicia depelleret ! neque ei poteſtas denegatur, ſed pro corporis temperamento, nunc validior, nunc debilior ; haud etenim minus, imò majus eſt, infelici foedatae originis vitio corporis in animum, quam animi in corpus imperium. Undè viviðiùs hic objecta ſagaci ingenii acie percipit, vivi-

dius afficitur, præceps in iram, aut zelum, in audaciam, in lasciviam, cæteraque id genus vehementiora animi studia, dum ille lentius percipit, quâdam stoliditate quasi plumbeus, ac pronus in segnitiam, ignaviam, inertiam, mollitiem, foemineaque alia pathemata? Ad id non parum confert diversa corporis à primavâ constitutione temperies. Hanc temperiem unico arteriæ radialis pulsu dignoscere docuit (a) Hoffmannus & alii; indè possent etiam indolem quodammodo conjicere, sed cùm plurima mutare possint indolem jam à corpore dispositam, sæpe stant ex adverso temperamentum & indoles. Sic labore, studio, exercitatione animus statum assequitur, quo objecta alacriter potest percipere, facilè ab iis affici, dum temperamentum, ex se phlegmaticum, idem remanet. Quàm multi hujus naturæ homines zelum, iras, & alia id generis quasi ignea pathemata intus in pectore foveant; quæ statim extinguere nesciunt, ob indolem additis stimulis vehementem, & foras erumpere, ob tardum corporis temperamentum, minimè possunt! Nec desunt qui temperamento alacriori præditi, mollitie, foemineoque victu indolem sinunt quodammodo hebetari. In utroque hoc casu Medicus, si unicam interrogaret arteriam, falleretur. Minimè verò errabit, si arteriam simul & dictam arteriolam comparet attentus; nam mutatâ indole mutatur sanguinis velocitas, eâdem remanente crasi; rariùs aut frequentius micant arteriolæ quam arteriæ.

V.

HUIC nostræ thesi non obstant leges mechanicæ & œconomix animalis. Nam ad corporis optimè temperatum ac perfectum omnino, si unquam reperiri possit, habitum, requiritur media quædam velocitas, medius sanguinis status (a), cujus principia nec fixiora torpeant, nec rapidius exaltata ferantur. Tunc (b) *justo æquilibrio natura naturæ propriam circulationem promovebit, optima aderit & spiritûs, & caloris & elaborationis humorum harmonia*. Eodem momento turgebunt, eodem corruent arteriæ majores ac desinentes arteriolæ. Haud ita pariter, si sanguinis exigua cùm jam existat velocitas, densitas augeatur: tum difficultius extremas arteriolas permeabit quàm majores arterias, lentior erit istorum veluti rivulorum, quàm totius fluenti motus, imminutâ scilicet vi projectivâ: si vero sanguis, & vivide impellatur, & subtilior fluat; per extremas arte-

(a) Hoffm. to. 1, ch. 6.

(a) Halles, Statiq. des animaux, 13 Expér. vers. fin.

(b) Η τε ἀνθρώπῳ εὐεξία, φύσις τις

ἔστι φύσις περιπεποιημένη, κίνησιν ἢκ ἀλλοτρίην, ἀλλὰ λην τὴ ἰσχυροτέραν πνεύματι τε καὶ θερμασίῃ καὶ χυμῶν καταργασίῃ. præcept. IX.

riolas, quâ data porta ad cutis superficiem; citius ruet, vi eâ tunc præpollente. Si alia sit velocitatis ad densitatem ratio, varia etiam erit arteriæ utriusque pulsationum differentiæ proportio. Neque absurdum videri debet ab eâdem vi impellente velocitates promoveri diversi generis; nam comprobavêre mechanici non ex solâ vi impellente, sed ex ipso etiam vasorum situ, dispositione, altitudine, ex variis resistentiis desumendas esse velocitates. Neque etiam nos moveret quorundam reclamatio, qui eam in tactu astutiam ideò negant, quia nunquam experti sunt: neminem latet quantam ex attentâ diligentâ sensus ille perfectionem assequatur. Cæci quidam tactu colores ipsos distinxere. Quod ad arteriarum pulsus, nos prius admoniti, nostrâque deinde, circa eorum diversitatem experientiâ freti concludimus:

Ergo ex vario variarum arteriarum motu, variæ dignosci possunt hominum diaberes;

DOMINI DOCTORES DISPUTATURI.

<i>M. Ludovicus - Henricus BOURDELIN.</i>	<i>M. Henricus RAIMOND, Regis exercituum in Insula Corsica Medi- cus.</i>	<i>M. Gaspardus COCHON DUPUY, Regii ordinis Eques Regis Consilia- rius & in arce Maritimâ Rupisfortensi Anatomæ & Chirurgiæ Professor Regius.</i>
<i>M. Ludovicus - Alexander CEZAN.</i>	<i>M. Carolus - Nicolaus DESLON.</i>	<i>M. Jacobus - Albertus HAZON.</i>
<i>M. Joannes - Baptista LANGLOIS, Rei Her- bariæ Professor.</i>	<i>M. Antonius - Joannes- Baptista - Maclovius GUENET.</i>	<i>M. Claudius - Carolus DEJEAN.</i>

Proponebat Parisiis CAROLUS-JACOBUS SAILLANT, Parisinus;
Saluberrimæ Facultatis Medicinæ Parisiensis Baccalaureus, Theses
Auctor, A. R. S. H. 1770. A SEXTA AD MERIDIEM.